

Cyngor Cymuned Llandybie

Cynllun Cyhoeddi dan ddarpariaethau Deddf Rhyddid Gwybodaeth 2000

Mae'r cynllun cyhoeddi hwn yn rhwymo'r Cyngor i ofalu bod gwybodaeth ar gael i'r cyhoedd fel rhan o'i weithgareddau busnes arferol. Mae'r wybodaeth a gynhwysir yn perthyn i'r dosbarthiadau o wybodaeth a grybwyllir isod, lie bo'r wybodaeth hon yn cael ei chadw gan yr awdurdod.

Mae'r cynllun yn rhwymo'r Cyngor:

i gyhoeddi neu wneud ar gael mewn modd arall fel rhan o'i waith arferol wybodaeth, gan gynnwys gwybodaeth amgylcheddol, a gedwir gan yr awdurdod ac sydd yn perthyn i'r dosbarthiadau isod
i nodi'r wybodaeth a gedwir gan yr awdurdod ac sydd yn perthyn i'r dosbarthiadau isod
i gyhoeddi neu wneud ar gael mewn modd arall fel rhan o'i waith a rfe rol wybodaeth yn unol ffr datganiadau a gynhwysir yn y cynllun hwn
i gynhyrchu a chyhoeddi'r dulliau a ddefnyddir i ofalu bod y wybodaeth benodol ar gael fel mater o drefn fel y bo modd i'r cyhoedd ei hadnabod a'i chyrchu yn hawdd
i adolygu a diweddarau yn rheolaidd y wybodaeth y mae'r awdurdod yn trefnu ei bod ar gael dan y cynllun hwn
i gynhyrchu rhestr o'r ffioedd a godir i gyrchu'r wybodaeth y trefnir ei bod ar gael
i drefnu bod y cynllun cyhoeddi ar gael i'r cyhoedd

Dosbarthiadau o wybodaeth

Pwy ydym a beth a wnawn

Gwybodaeth drefniadol, lleoliadau a chytundebau, rheolaeth gyfansoddiadol a chyfreithiol

Beth a wariwn a sut y gwariwn ef

Gwybodaeth ariannol yn ymwneud ag incwm a gwariant amcanol a gwariant gwirioneddol, tendro, caffael a chytundebau

Beth yw ein blaenoriaethau a sut rydym yn perfformio

Gwybodaeth am strategaethau a pherfformiad, cynlluniau, asesiadau, arolygon ac adolygiadau

Sut y gwnawn benderfyniadau

Cynigion polisi a phenderfyniadau. Prosesau sy'n ymwneud â gwneud penderfyniadau, meini prawf a gweithdrefnau mewnol, ymgynghoriadau

Ein pollslau a'n gweithdrefnau

Protocolau ysgrifenedig cyfredol ar gyfer cyfJawni ein swyddogaethau a'n cyfrifoldebau

Rhestrau a chofrestrau

Gwybodaeth a gedwir mewn cofrestrau a fynnir gan y gyfraith a rhestrau eraill yn ymwneud â swyddogaethau'r awdurdod

Y gwasanaethau a gynigiwn

Cyngor a chanllawiau, llyfrynau a thafJenni, gweithrediadau a datganiadau i'r wasg. Disgrifiad o'r gwasanaethau a gynigir.

Ni fydd Y dosbarthiadau gwybodaeth yn gyffredinol yn cynnwys:

gwybodaeth y rhwystrir ei datgelu gan y gyfraith neu sydd wedi'i heithrio dan y Ddeddf Rhyddid Gwybodaeth, neu yr ystyrir yn briodol fel arall ei bod wedi'i diogelu rhag gael ei datgelu gwybodaeth ar ffurf ddrafft
gwybodaeth nad yw bellach ar gael yn hawdd oherwydd ei bod mewn ffeiliau a storiwyd mewn archif, neu sydd yn anodd ei chyrraedd am resymau tebyg.

Y dull a ddefnyddir i beri bod y wybodaeth a gyhoeddir dan y cynllun hwn ar gael

Bydd yr awdurdod yn nodi yn glir i'r cyhoedd pa wybodaeth a gynhwysir yn y cynllun hwn a sut y gellir eichael.

Mewn amgylchiadau eithriadol mae'n bosibl na fydd modd cael gwybodaeth ond drwy ei gweld yn bersonol. Pan nodir y dull hwn, darperir manylion cysylltu. Trefnir i weld y wybodaeth o fewn cyfnod rhesymol.

Darperir gwybodaeth yn yr iaith y cedwir hi ynddi neu mewn unrhyw iaith arall y mae'n gyfreithiol ofynnol ei chael. Pan fo gofyn i awdurdod gyfieithu gwybodaeth yn 61 y gyfraith, bydd yn gwneud hynny.

Ufuddheir i rwymedigaethau dan ddeddfau anabledd neu wahaniaethu ac unrhyw ddeddfau eraill i ddarparu gwybodaeth ar ffurfiau ac mewn fformatau eraill pan ddarperir gwybodaeth yn unol a'r cynllun hwn.

Taliadau y gellir eu codi am wybodaeth a gyhoeddir dan y cynllun hwn

Pwrpas y cynllun hwn yw peri bod cymaint o wybodaeth ag sy'n bosibl ar gael yn hawdd i'r cyhoedd, a hynny gyda chyn lleied o anghyfleustra a chost ag sy'n bosibl. Bydd y taliadau a godir gan yr awdurdod am ddeunydd a gyhoeddir fel mater o drefn yn cael eu cyfiawnhau a byddant yn dryloyw ac mor isel ag sy'n bosibl.

Darperir deunydd a gyhoeddir ac a gyrchir ar wefan yn ddi-dal.

Gellir codi tal am wybodaeth sydd yn unol â system daliadau a bennir gan Llywodraeth San Steffan.

Gellir codi tal am alldaliadau go iawn a gyfyd megis:

llungop"io
postio a phecynnu
y costau a gyfyd yn uniongyrchol o ganlyniad i weld gwybodaeth

Gellir codi taliadau hefyd am wybodaeth a ddarperir dan y cynllun hwn lie awdurdodir hwy yn gyfreithiol, lie gellir eu cyfiawnhau dan bob amgylchiadau, gan gynnwys egwyddorion cyffredinol yr hawl i gyrchu gwybodaeth a gedwir gan awdurdodau cyhoeddus, a lie maent yn unol a rhestr neu restrau cyhoeddedig o ffioedd sydd ar gael yn hawdd i'r cyhoedd.

Os codir tal, rhoddir cadarnhad o'r taliad dyledus cyn darparu'r wybodaeth. Gellir gofyn am y tal cyn darparu'r wybodaeth.

Ceisiadau Ysgrifenedig

Gellir gwneud cais ysgrifenedig am wybodaeth a gedwir gan awdurdod cyhoeddus ac sydd heb ei chyhoeddi dan y cynllun hwn, ac ystyrir ei darparu yn unol a darpariaethau'r Ddeddf Rhyddid Gwybodaeth.